

Mag. St. Dr

P

rael


Venerabili: Sacrum debitae

gratitudinis mnemosynon.

PANEG. & VITAE

Palom 4^o

1247.



S A C R V M

Debitæ Gratitude

M N E M N O S Y N O N,

DE O T E R O P T I M O M A X I M O

Divisque Cœlitibus,

Nec non

Illustrissimo, & Magnifico DOMINO,

D. M I C H A E L I

De Zebrzydouice

Z E B R Z I D O W S K I,

Supremo Regni Poloniæ Ensisfero,

Lanckoronen. Sniatinen. &c. &c. Gubernatori,

*Ecclesiæ Przeginensis Erectori, Dotatori, & Benefactori amplissimo,
ad Solennem eiusdem Ecclesiæ Consecrationis Diem,
debiti cultus, & grati animi ergo,*

A V E N C E S L A O C H R Z A N O W S K I

eiusdem Ecclesiæ Pastore,

Luci Publicæ

E X H I B I T V M.

Anno Reparatæ Salutis, 1662. Die 19 Octobris.

C R A C O V I Æ,

Typis ALBERTI SIEKIELOWIC, S.R.M. Typogr.

In Gentilitium Insigne Illustr. & Antiquiss. Domus


ZEBRZIDOVIAE.



177675

Cælorum sublime decus, Labarumq; salutis,
Vexillum, Christi sacra trophea gerens;
In ZEBRZIDOVIAE Pietas Insignia stirpis,
Contulit, ac proprium iussit habere decus.
Scilicet Ecclesiæ cultum quæ curat, & auget;
Ecclesiæ debet, stemmata ferre Domus.

ab
xus
non
maj
pro
inte
cul
tella
bon
Tui



Illustrissimo, & Magnifico DOMINO,

D. M I C H A E L I

De Zebrydowice

Z E B R Z I D O W S K I,

Supremo Regni Poloniae Ensifero,

Lanckoronen. Sniatinen. &c. &c. Gubernatori,

Domino & Patrono suo amplissimo,

Author S. & P.



Edit iterum ad Te, votorum suorum compos, & gratitudinis debita reus, venerabundi calami mei affectus ILLUSTRIS-
SIME, & MAGNIFICE DOMINE. Quidquid enim
olim, cum Sacras Tibi, Infantis DEI cunas gratularetur; Sacris
desiderijs, velut primis infantiae fascijs inuolutum, ad Sacratissi-
mos Divinae Maiestatis pedes, benedicendum deposuerat: quidquid

ab heroica mente Tua, & à magno illo, quo decorem Domus Domini comple-
xus es; pietatis affectu, ingenti fiducia, polliceri sibi praesumpserat: totum id,
non tam humano; quam Divino potius consilio, ad metam suam nunc colli-
masse; votorumq; mensuram adimplenisse letatur. Ita nimirum, eximium illud,
promptissimi cordis Tui studium; quod ad restituendam Ecclesiae Przeginensis
integritatem, & dignitatem, velut suavissimum DEO thymiana obtuleras; pe-
culiari quodam gratiae caelestis favore, ad optatum finem deductum est; ut in-
telligi hinc haud difficile possit; diligentibus DEVM, omnia cooperari in
bonum. Placuit Arce Sanctificationis Domini, in requiem suam, sub Vexilli
Tui umbra, quantotius descendere; ut quae olim, sub expansis Cherubinorum
alis,

*alis, Maiestatem Domini, circumtulat; tantò securius nunc, sub Gentilitio
 Tuo tropheo requiesceret; quantò Tu sanctius, in auito Stemmata, redemptionis
 humana signaculum, expandisti. Placuit magnis, Ecclesia huius Tutelaribus,
 SS. IOANNI BAPTISTÆ, & NICOLAO Confess. atq; Pontif. ab
 eo potissimum Heroe, Aedes sibi dicatas; nouo opere, atq; honore restitui; qui,
 cum inter auita Prosapia sua nomina, NICOLAVM Auum, & IOAN-
 NEM Parentem, claritudine Virtutum, & gloria illustrissimos recenseat; tan-
 to confidentius, velut ad Hereditarios Domus sue Patronos, recurreret; quantò
 illi promptius, libentiusq; nuncupata sibi à dilecta stirpis Heroe, exciperent vota.
 Enimuero an non arcanum & illud, prerogatiue caelestis beneficium? quod Do-
 mus hac DEO Sacra; eam precipue Consecrationis sue Diem; calitus ordinatam
 acceperit: quæ dum solenne festum, Principis Militie caelestis, S. Michaelis Ar-
 changeli, Patroni Tui, proxime consequitur: augere quodammodo auspiciatissima
 omina; ac velut excondictò, summa quæq; Hierarchiarum caelestium Capita, ad
 patrociniij gratiam inclinare videtur. Decuit proinde, approbatum tot indi-
 cijs, DEOq; acceptum, munificentia Tua specimen; solenni gratiarum actionis
 obsequio excipere: decuit noua huic Sponsæ, magnifico per Te apparatu, Sponso
 suo adornatæ; nouo officiosa gratitudinis obuiare affectu; testariq; palam,
 quantum illud, lætitiæ nostræ, argumentum sit; quod vota nostra celerius;
 quam destinauerant, & liberalius adimpleuit. Quod cum iure suo, ad patro-
 ciniij Tui clientelam, totum pertineat; prono illud, libentiq; animo, Illustrissimo
 Nomini Tuo, dedicatum, consecratumq; eo. Suscipe quæso ILLUSTRIS-
 SIMÆ & MAGNIFICÆ DOMINE, tam hilari, exporrectaq; fronte, perenne
 istud operis Tui, MNEMNOSYNON; quam liberali illud dexterâ pro-
 mouisti; atq; cum Illustrissima Consorte Tua, Ecclesiarum ornamenta, pretiosissi-
 mis vestibus, deuotog; sacra suppellectilibi, labore manuum suarum adaugente;
 longissima fortunatus Vinc sacula; ut Ecclesia Przeginensis à Te erecta; &
 amplissimè, (quod sperat,) dotata; perpetuum sit, magnifica pie-
 tatis Tuae, apud seram posteritatem monumentum.*



S A C R V M

Debitæ Gratitude

M N E M N O S Y N O N.

Regi sæculorum immortalis, & inuisibili,

DEO TER OPTIMO MAXIMO.

Vidi Ciuitatem sanctam Ierusalem, descendantem de cælo, à Deo; paratam, sicut Sponsam ornata Viro suo. Apoc. Cap. xxi.

PErègrinos terræ cælo adscribi; si parū adhuc visum est: descendantem ad eos, Ciuitatem in quadro positam, quisquis viderit; beneficiū supra vota; priuilegiū, absq; exēplo, facile appellabit.

Reptasse ad condendas Thebas, an verò saluisse saxa,

Sola Amphionis cythara testis est;

cui inesse fidem aliquā, multæ, & omnes canoræ fides vindicāt.

Descendisse ad Ciues suos, Vrbium aliquam; in terris quidem, nec fidē, nec testē habet; in cælis tamē vtrūq;

Ocellus Christi,

Prophetici, & Euangelici oculi pupulla,

I O A N N E S,

Dum nihil in Pathmo exul; omnia in cælo Ciuis, antequam incola, vidit.

Alia illic rerum facies:

Beneficia, quæ hīc pretium, aut pompam dilatione quarunt;

ad veritatis illic lancem expensa, nomen, & pretium amittunt.

A

Sancta

Sancta bonorum Ciuitas, tam bona est;

Vt adire malit, quam non adiri;

nihil æquè molestum habens; quam si, ij sibi molesti non sint;
ad quorum abstergendam omnem lachrymam, & molestiarum terminum, condita est.

O Bonitas! o Pietas!

facilius peccatum, pertinaci nisu, traxit in terram cælestia;
quam leni inuitamento, probitas duxit in cælum terrena.

Infelices filij Adam;

dum in terra, de qua sumpti sunt; Ciuitatē confusionis moliri non desinūt;
eouſque felici iniquitate profecerunt;

vt Ciuitatem de Cælo, Sanctam Ierusalem, descendere fecerint;

Quidni vero hæc, ad Ciues profugos descenderet?

quādo Ciuitatis quoq; dominus, secūduſ homo, de cælo cælestis;
ipse est; qui ambitum eius in terris, aureā Crucis arundine, vt metiretur,

descendit.

Adhucne peregrinari libet, & Patriam non noſſe?

O cælestium inanes animæ!

quādo vt Vos ad Patriā reducat; peregrinari inter vos, Ciuitas Dei nō reſpuit;

Et quamuis,

Fundamenta eius, in montibus Sanctis, supra petram posita ſint;
Petram tamen solidissimam licet, tam eſſe communem voluit;
vt Vna vbiq; conſequeretur ſuos; commoueri tamen in æternū non poſſet.

Ita

Orientem, Occidentemq; Auſtrum, & Boream adiit,
immota ſemper, & vbiq; Vna.

Tuum eſt hoc, o omnium principium abſq; principio.

DEVS MAXIME,

immenſæ bonitatis dulce, ſolenneq; paradoxum.

Nimirum,

Vt filios dispersionis congregares; Ciuitatem ad eos descendere voluisti.
Sponsam quoq; tuam, de thalamo interras relegans;
Vt vel per has sacras illecebras; felices, si sua bona nossent, ad amorem immortalium, transferas mortales.

Infallibili utiq; tramite;
in quo Filijs Lucis, lucerna Agnus est.

Sed ô quam pauci!

qui lucē magis; quàm tenebras diligant; aut Sponsæ Tuæ in terris, decorē promoueāt!
Vitulos aureos, statuasq; Babylonias passim erigentibus,
cum omnia sufficiant: ad Sponsæ Tuæ decorē, pauperrimi sunt.

quinimò

cum eam depauperauerint, lætantur; sicut, qui inuenit spolia multā;
nec tam præcepta; quam percepta Ecclesiæ, super aurum, & topazion diligunt.

Alia mens à Te ô mentium lux!

Generosis heroicarum stirpium mentibus, indita est.

Auarissimum illud, & Sacrilegum; poterat hoc venundari trecentis denarijs;
tam illis exosum;

quam diuitis Arimathæi suprema Syndon; & MARIAE in Libras vnguenti
centum, felicissima perditio; amabilis, & pretiosa.

Hæc tandem, vna omnium prodigalitas Sanctissima;
digna; cuius largitioni, plenis ex Ophir, aurum nauiget velis.

Prodigos hoc in genere,
multos hætenus Sarmatia tulit filios;

quorum felicissimis Sacræ intemperantiæ excessibus; ad excessum iam propè gloriæ,
& felicitatis venerat.

Prætulit his omnibus Vexillum, antesignana. ZEBRZIDOVIORVM

P I E T A S:

quæ vt fortitudine cæteros; ita & sacra liberalitate,
in hoc Signo semper vicit.

Decuerat nempe,
vt, quæ Victoriarum suarum initia, ab Ecclesiæ Labaro sumpserat; omnia in Ecclesiam
trophæa inferret.

O beatam! ô felicem Domum!
cui, vt triumphorum origo; ita & tropheorum meta,
alpha omnium, & omega, **DEVS** est.

Vel hoc vno priuilegio, supra omne priuilegium euecta;
quod cum Sponsam, Vxorem Agni, cælitus descendentem;
humanissime in templis suis, decoreque exceperit:

Agnum tanquam occisum, Ierosolimæque vestigia;
in Sacro Caluariæ fastigio, gentibus Hiperboreis meruerit proponere.

Hoc est illud, magnificæ **ZEBRZIDOVIORVM** Pietatis, grande theatrum;
in quo, vires illius experiri **DEVS** voluit, & exercere;

magno vtiq; profectu:
cum augustis operibus exercita diu, assuetaq; mens;
nihil iam angustum in Ecclesiarum situ, squaloreque pati possit:
ad Gentilitij Vexilli sui officium, pertinere ambitrans:
triumphatæ Ecclesiarum vetustatis, trophea vbiq; figere.

Maeste, hâc augusta Virtute,
Stirps illustrissima.
renouabitur, vt aquilæ, iuuentus Tua; dum Ecclesiarum senescere decorem non patitur.

Ecclesiam quoq; Przeginensem,
Velut nouam descendentem de cælo Sponsam, noui decoris quod feceris;
vtiam

Specie, & pulchritudine sua; prospere sub Vexillo Tuo Procedat, regnetq;:
nouo Tibi cælos, & Agnum Ecclesiæ Sponsum, pietatis obsequio deuinxisti.

Manus hæc aurea;
quæ tam tornatilis est; vt nihil omnino, vsibus Ecclesiæ seruiens, continere possit;
O do-

Odoriferis plena hyacinthis, non putrescet vnquam.
Seruabis eam, ô Ecclesiæ caput, aurum optimum!
Victor Leo de tribu Iuda; qui solus auream, & tornatilem
fecisti.


Quidquid hîc, in Vestem Sponsæ Tuæ nuptialem effusum;
à Te, & per Te,
totum Tuum est.

cùm quo, nos Tibi totos, super altare cordis, in sacrificium
gratiarum actionis offerimus.

Annue Magne DEVS.

Et quod per Lilia OBORSCIANA Sanctificare voluisti; ta-
bernaculum Tuum, ceu hortum conclusum, signaculo
benedictionis Tuæ obsigna:

Portam cæli tamen hîc reseram;
Vt facilius hinc, primusq; ascensus, in cælos sit ZEBRZYDOVIIS;
qui descendentibus de cælo, ornatis magnificâ liberalitate
lampadibus,
obuiam exierunt,
SPONSO, & SPONSÆ.



DIVIS TUTELARIBVS,
SS. IOANNI BAPTISTÆ,
E T
NICOLA O Episcopo & Confess.

Votivæ Gratitude affectus.

F *Auete Diui. iam radiantium
Deducta Sacro tramite Syderum,
Terris Hierusalem beata
Constitit; atq; nouo decoros
Indata vultus, lene micantium
Splendore gemmarum; auricomum caput,
Crebræq; Vincta margaritis
Colla, Sacros tulit inter ignes.
Cælo sequaces, Vos niveis quoq;
Leuate pennas agminibus; DEI
Qua ponè Sanctam Ciuitatem,
Astriferi glomerantur orbes.
Princeps beati, primaq; summitas
Cætus, IOANNES; Sydus, Omnium
Apex Prophetarum; pediq;
Pontificum NICOLAE sacri,
Vetusq; Myrrhæ gloria; cælitus
Adeste primi. Præginios Lares,
Vestro Laboratos honori,
Mole noua, solidosq; iussit,
Perennitatis surgere cardine,
Heros vetusti Sanguinis, inclytum
Sydusq; corculumq; & una
Per Proanos, Atanosq; ductæ*

Sublin

Sublimitatis gloria; quem sibi
Pugnace Mauors, Ensiferum manu
Delegit; atq; **ÆBRZIDOV**
Nominis, in Ecbico Senatu
Fecit coruscum, grandæq; luminar;
Auita cordi, cui Pietas Patrum
Sedit; per augustosq; sumptus
Magnifico dedit ire passu.
Huc ô Sacrorum turba Quiritium,
Mentes beata! ferte Penatibus
Novis, nouum beatitatis
Auspicij melioris omen.
Squallente non iam, Vestra Domus situ;
Annis minatur fata senilibus
Casura; Vos sed pulchriori
Mole operis, specieq; cultæ
Inuitat ædus; dulce sit inchoam,
Vos impetrastis quam precibus Domum;
Terrisq; dilectam, Poloq;
Perpetuis habitare sæclis.
Vobis perennis maxima gratia,
Tributa debet, cor populi; nouo
Decore quod templi, beatos
Ire dies, sibi gratulatur,
Seruate magnum, ferteq; posteris.
Heroa; qui Vos ade palatij
Nova coronauit, superne
Dum veniet nouus hospes aula;
Per vos beata, Ciuis, & in colâ
Sit Ciuittatis; Vinat Olympica
Lauri decorus: sentiatq;
Munifici pia lucra sumptus.

A D

Summum Vir:
totum fastigi-
um, quæ Heroi-
cis actibus, viâ
nūquā moliri de-
finit: assurgente
in cælos, perenna-
turæ molē gloriæ,
iuste promeruit, triu-
phatrix sacri Zebrzi-
douiorū Vexilli Pietas.
Cōpleuit fastigium hoc,
supra celsissimos Maiorū
suorū apices, apex Zebrzi-
douij sanguinis, Illustr. D. Mi-
chael, de Zebrzidouce Zebrzi-
dowski, supremus Regni Polo-
niæ Ensiser; auitæ Nobilitatis,
& gloriæ decus, atq; cōpendium.
Qui non martijs tantū operibus, &
coronis militariibus; quibus Patriæ
in bellis Scithicis, Cosacicis, Suecicis,
Trāsiluanicis, Moschonicis, tropheæ
promouit; sed augustissimis quoq; pie-
tatis sumptib⁹, coronidem imponens; ad
summū gloriosæ pyramidis fastigiū, perue-
nit. Vere Michaël, cui zelosissimum illud,
Quis vt Deus? maximū ad promouendā Dei
gloriam, classicum est. tam id approbantibus
superis; vt ne transire quidem, nisi ad pientissi-
mos thalamos, vnicum sanguinis eius florem vo-
luerint; ad Ducalem nimirū, & Regia de stirpe Prin-
cipum Czartorisiorum Domum; an verò dicam,
principale pietatis sanctuarium. Ita cælitus destinatū
est; vt ex potissimū, infædus nobilissimi sanguinis con-
sentirent Dom⁹; quib⁹ cælestium in terris cura maxima,
Spiritus pietatis idem; nihil inuenit felicius vquam;
quam quod in sacros disperfit vsus. Hoc tandē est, basim
cum Deo, & fastigiū in cælo ponere. quod Tibi Illustr. Heros,
cū vbiq; ; tū supra Ecclesiæ quoq; Præginensis fundamentū;
æternū assurrexit. Ita Vouemus, ita Deo auspice speramus: non
in Egyptia operosissimi fastus pyramide; sed in Deo, Diuisq; Sa-
cra, vota pro Te incidentes mole: vt honoris Dei amantissimus,
supra omnes honorū titulos, viuas; & sublimi serias sydera vertice.

III. 1. 4.

Biblioteka Jagiellońska



stdr0006239

